

- دوشوب جانی تسلیم ایتمکه بو کیفیت ایشیدنلرک جله سنه عظیم
- ۶ خوف کلدی ❖ یکتلر دخی قالقوب انی کفلیدلر و خارجه کتوروب
- ۷ کومدیلر ❖ تقریباً اراسی اوچ ساعت کچد کده زوجہ سی دخی واقع اولانی
- ۸ بیلمیه رک ایچری کلمکه ❖ بطرس من بوره یه بدء کلام ایدوب بکا سویله
- تارلانی بو قدره می صا دیکنز (دیدی) اول دخی بلی بو قدره دیدی
- ۹ ❖ اما بطرس اکا نیچون سز ربک روحنی امتحانه اتفاق ایتدیکنز
- اشته سنک قوجه کی کوملرک ایاقاری قپوده اولوب سنی دخی خارجه
- ۱۰ کتوره جکلردر دیدی ❖ من بوره ایسه در عقب انک ایاقارینه دوشوب
- جانی تسلیم ایتدی و یکتلر کیروب انی اولمش بولدقده خارجه کتوروب
- ۱۱ قوجه سنک یاننده کومدیلر ❖ و بتون جمعیت ایله بو نسته لری ایشیدنلرک
- جله سی اوزرینه عظیم خوف کلدی .
- ۱۲ اما رسولارک اللریله قوم اراسنده نیجه علامتلر و معجزلر قیلنوب
- ۱۳ جله سی دخی بالاتفاق سلیمانک رواقنده بولندرق ❖ سائرلردن بر کسه
- ۱۴ انلر ایله برلشمکه جسارت ایتیه رک قوم انلره تعظیم ایدر ایکن ❖ کیده
- کیده ربه ایمان ایدن کرک ارو کرک عورتک مقداری تکثیر اولنمغله
- ۱۵ ❖ شویله که بطرس کلنجه هیچ اولمسه کولکه سی انلرک بعضی سنی
- تظلیل ایتسون دیو خسته لری میدانلره چیقاروب دوشکلر و کره وتلر
- ۱۶ اوزرینه قورل ایدی ❖ هم اطرافده اولان شهرلرک نیجه خلقی
- خسته لری و ناپاک روحلردن عذاب چکنلری کتوره رک اور شلمیه جمع
- اولوب جله سی شفا بولورل ایدی .
- ۱۷ اما باش کاهن ایله بالجه برابر اولنلر یعنی صادوقیلرک فرقه سی قالقوب
- ۱۸ پر غیرت اوله رق ❖ رسولارک اوزرینه ال صالوب انلری عمومک
- ۱۹ حبس خانه سنه القا ایدوب ❖ لکن ربک ملکی کیجه لین زندانک قپوسنی
- ۲۰ اچدقده انلری چیقاروب ❖ وارک هیکلده قائم اوله رق خلقه بو حیاتک
- ۲۱ بالجه سوزلنی سویلیک دیدی ❖ انلردخی ایشتمد کدنصکره علی السحر